

Fida Nyamesemka: Esusuow Akatseaba 30, 2013.  
(Friday sermon – 30<sup>th</sup> May 2014 – Fante Translation)

## **KHILAFAT, MPAAPƆ NA MAHDI ALI** **QAMAR NE WU WƆ NYAME NTSI**

Nyankopon N'adom kese a ama Ahmadiyya kuw no aka abo mu kor na etu mpon fitsi mber a Anohoba Mesia (ANN) owue no ye Khilafat nhyehyee. Mfe oha nye esia a etwa mu no ho abakosem dze dase de fitsi mber a Anohoba Mesia (ANN) wue no, de mbre waka no wo no buukuu Al Wasiyyat (Nsamansew) mu no, kuw yi mu mba agye Khilafat ato mu wo bu soronko mu. Ahmadiyyanyi biara a wo wiadze yi mu, ommfa ho bea ofir anaa ebusua a odom anaa oman a ofir mu tse ase de obu a odze bema Khilafat a ogyina Nkomhye dwuma ekyir a obehye ase wo Anohoba Mesia (ANN) n'ekyir no nye n'asodzi kese paa.

Huzoor kaa de asem a oreka no mfa nkorofa a wotsew honho wo ahyease no na seisei wonnyi gyinabew biara no, na mbom Ahmadiyya kuw kese no a wotse Anohoba Mesia (ANN) ne gyinabew no ase na wo wo enyisom de obu a edze bema Khilafat no mu na korye wo, ne mpontu na ne mu na ahodzen a yedze begyina Ahmadiyya na Islam atamfo fir. Osan de seisiara Osorsor mboa ka Khilafat a wo Islam n'enyim a otsia ebien no nkyen.

Mbre otse biara no, edze woano beka keke de egyedzi no nnkoma wo nsa aka Nyankopon N'adom. Istikhlaf nkyekyemu no (Surah Al Nur nkyekyemu eduonum esia) dze Khilafat hye gyedzifo mapa no bo na oma hon nsem dew de obesesa hon suro no aye no asomdwee na ohye hon bo de obetsintsim hon. Nkorofa bebiree wo ho a waka Laa Ilaaha Illallah (obiara nnyi ho a ofata de yesom no gyede Allah) naaso wo nokwar mu no nkorofa a wogye Laa Ilaaha Illallah to mu no nye nkorofa a wotan hon enyi ko Nyankopon nkyen mber nyinara na wonko obiara ho ka Nyankopon ho. Khilafat da biara a yebedzi no wode otwe hen ko Nyankopon Ne som ho, asoye, yebegyina pintsinn wo Nyankopon Ne korye do na yebehwe hen gyinabew wo kwan a yebetserew Nyankopon Ne korye. Se hen gyinabew no nko sor a, ono de yebeye ehiedzi, yeakasa, y'esuadzi na yedzi ehiedzi ahorow nkyere hwee. Dza ohia nye de yebetse iyi nyinara ne sunsum a otaa ekyir no ase. Yebetse Nyankopon Ne korye ase ampara se yetwe henho ko asoye mu a na hen nsa beka Nyankopon N'adom no a odze ahye Anohoba Mesia (ANN) no bo no.

Nyankopon atwe hen adwen ako mpaabo do na Ne som a obeka hen afam Khilafat, de yebanya Sorsor nhyira, de yebetwe henho efir hen ahokyer mu na yenia hen mu asomdwee na asoye na som nye hen akodze ampara a yebotum dze henho ato do ber biara. Mber tsiawa akwan nnkotum dze nkunyimdzi abre hen, yeehu no wo Nyankopon N'akomhyefo hon abakosem mu de hon nsa ka nkunyimdzi onam mpaabo ntsi, wo Islam mu tsitsir na Nkomhyenyi (NNN) ne mber do na Khulafa e Rashideen (Khalifafo a wo wo nkwankyere ase) hon aber do no nkunyimdzi bae onam mpaabo na onnye hon wiadze ahodzen ntsi. Wo de yekaa de mbre otse biara no, ommfa ho Sorsor bohye, wodze nkwa bo afar na asoye gyinabew ko sor.

Huzoor kaa de Fida a etwa mu no okasa fa Ahmadiyyanyi bi a ne nyenko Shianyi kaa kyere no de Ahmadiyyafo nnyi nsem ano yie na Huzoor kaa de beka no de Ahmadiyyanyi no so wo dem gyedzi kor noara. Huzoor ammba dzin do naaso nyimpa kor no tsee ase na wakyerew abre Huzoor de ne nyenko no pe na wo de adwen no na ono dze onkitsa dem adwen no. Huzoor se wotsetse efir mbeambea ahorow de nkorofa binom kitsa dem adwen yi. Wo de yekaa de nhyira nyinara wo mpaabe mu, de mbre Nyankopon aka no: 'ntsi bo mpa kyerew' Ewuradze na bo afar.' (108:3). Oye Nyankopon Ne som na afarbo na oma hen nsa ka Nyankopon N'adom. Ekyingye nnyi ho de oye nyimpa ne su de n'dwen mu ye no naa wo ber a nschwe aba nodo akyer. Dr. mbre yeka no wo Fida a etwa mu no , wo dem tsebea yi mu no gyedzifo mapa ka no wo suro mu de '...ber ben na Allah Ne

mboa no beba?...'(2:215). Wɔnnka dem osiandɛ wosuro naaso osiandɛ wɔpɛ Nyankopɔn N'ehumbɔbɔr. Wɔyɛ dem wɔ ber a wɔabrɛ hɔnhɔ ase na wɔdze hɔn ho ama Nyankopɔn, wɔdze hɔn mpaabɔ kodur tsipɔn na wɔdze hɔnhɔ hyɛ afarbɔ so mu. Na ekyir no, nyiano ba de: '...Nyew, osipi de Allah Ne mboa no ben.' (2:215)

Nyankopɔn yii iyi kyere Anohoba Mesia (ANN) no mpen ahorow pii na ɔyɛɛ no wɔ nyɛedo so na hen nyinara yedzi ho dase na ɔyɛ Nyankopɔn nepe a yebɔkɔdo edzi ho dase. Nyankopɔn Ne mboa ba mbea a wɔahyɛda eyi na ewie nkunyimdzi kese a ɔnam Sorsor mboa do na yebohu. Otamfo no rehyehyɛ nhyehyɛɛ bɔn, wɔ wiadze nsem mu no tsebea a ɔwɔ Muslim aman do, tsitsir Pakistan yɛ dza ɔyɛ hu na ɔdze owu ba. Ma ɔtse biara no, Nyankopɔn wɔ tum wɔ biribiara do na ɔno na odzi mu wɔ nkorɔfo a wɔyɛ nhyehyɛ hɔn mu na ɔbesee etiafo no hɔn dwumadzi koraa! Ohia de yebɔ mpaa na yehwehwe Nyankopɔn Ne nkyen bɔnfakye (Istighfar) de mbre yebeyi hen suro efir ho na yeetum ahwe hen nkyimdzi do. Nyankopɔn aka de: 'Anaa de, Wana na ɔboa nipa ɔwɔ ehiahia mu wɔ ber a osu fre No, na Oyi bɔn no fir ne do, na ɔyɛ mu dziadzefo wɔ asaase no mu? Anaa Nyame bi ka Allah ho? Kakraabi nye dza hom dwen ho na hom kae.' (27:63)

Anohoba Mesia (ANN) no akyerɛw de:

'Kae, Nyankopɔn nnyi obi a ɔhwɛ no na sɛ yeammbo mpaa mpen pii na yeammbo no wɔ awerehow mu a, ɔmmfa henho. Obi a ne yer anaa ne ba nntse apɔw anaa awerehow kese bi ba nodo, ɔyɛ basaa. Gyede yebɔ mpaa wɔ nokwar mu na ofir hen akoma mu na yebɔ no wɔ awerehow gyinabew mu, ɔtse dem dze a, ɔno ɔnnkɔdur hwee. Ohia de yedze akoma awerehow anaa yaw ahye mu ma bɔ mpaa de mbre wɔbegye ato mu, de mbre wɔaka no: Anaa de, Wana na ɔboa nipa ɔwɔ ehiahia mu wɔ ber a osu fre No, na Oyi bɔn no fir ne do, na ɔyɛ mu dziadzefo wɔ asaase no mu? Anaa Nyame bi ka Allah ho? Kakraabi nye dza hom dwen ho na hom kae.' (27:63). (Tafseer: Anohoba Mesia (ANN), vol III, p. 574)

Ohia de yedze hen enyi besi hen asɔryɛ na Nyankopɔn Ne som ho sen ma yeyɛ no wɔ akoma a awerehow ahye no ma mu na ohia ma hen de yetwe ben Nyankopɔn N'ehumbɔbɔr.

Dem mpaabɔ yi onyi de yema hen wir fir anaa nodo tsew; na mbom ɔwɔ yema ɔbɛka hen daadaa abrabɔ ho. Yedze bi ka ho a ɔwɔ de yesiesie hen asɔryɛ. Dem mpaabɔ yi wɔtaa kenkan no wɔ MTA do naaso Huzoor bɔɔ do de mbre ɔbekaakaa hen.

Dza odzikan no ye Surah Al Fateha; ɔwɔ de yekenkan no mpen pii, Durood (yedze nhyira na nkyia bema Nkɔmhyenyi Krɔnkrɔn) so ɔwɔ de yekenkan no copiously pii. Na mpaabɔ bi so wɔ ho a woyii kyere Anohoba Mesia (ANN) a ɔno so ɔwɔ de yekenkan no pii:

'ɔhotewnyi nye Nyankopɔn ɔno a ayeyi nyina sɛ no, ɔhotsewnyi nye Nyankopɔn, ɔkokroko no. o me Nyankopɔn hue Wo nhira no gu Muhammad na ne nkorɔfo hɔn do.'

Hazrat Abu Huraira (NN) aka de Nkɔmhyenyi Krɔnkrɔn (NNN) kaa de: 'nsem ebien bi wɔ ho a no mu ye har wɔ tekyirema no do naaso no mu ye dur sɛ woker a na ɔda Nyankopɔn N'akoma ho. Na hɔn nye: ɔhotewnyi nye Nyankopɔn ɔno a ayeyi nyina sɛ no, ɔhotsewnyi nye Nyankopɔn, ɔkokroko no.' huzoor kaa de ɔnam de dem nsempɔw yi da Nyankopɔn N'akoma do no ntsi ɔwɔ de yetaa kenkan ama yeatwetwe N'ehumbɔbɔr.

Afei dem mpaabɔ yi so wɔ hɔ: 'Hen Ewuradze, ma mma hen akoma nkyea wɔ ber a akyerɛ hen kwan akyi; na fa ehumbɔbɔr a ofi Wo nkyen no gu hen do; ampa ara de ɔwɔ pɛ nye Adomkyekyefo. (3:9). Hazrat Nawab Begum Sahiba (NN) soo daa wɔ Anohoba Mesia (ANN) no wu akyer a na orotu no fo de ɔntaa mbɔ dem mpaabɔ yi mpen pii noara. Mber a ɔka ne daaso yi kyere Hazrat Khalifatul Masih I (NN) no, ɔkaa de onnkogyaa dem mpaabɔ yi bɔ dabiara da na ɔbɛbɔ no mpen bebiree. ɔkaa de mber a dem mpaabɔ yi ma yehwehwe gyedzi mu ahoozen no, ɔsan so ye mpaabɔ a ɔbema yedze henho abɔ Khilafat.

Mpaabɔ kor so a ɔwɔ de yedze hen adwen kɔ do nye: 'O hen Awuradze, fa pintsinnye honhom gu hen do, na tsintsim hen anamontu, na boa hen wɔ nyimpa atiafo no hɔn do.' (2:251)

Na dem mpaabɔ yi: 'O Allah, yedze Wo ye banbɔ fi hen atamfo no nkyen na yehwehwe guansumabea fir hɔn ndwuma bɔn noho.' Abakwasem kyere de Nkɔmhyenyi Krɔnkrɔn (NNN) bɔɔ dem mpaa yi wɔ ber a onya atsinka de nyimpa kuw bi wɔ adwen bɔn anaa pɛ de wɔyɛ biribi bɔn.

Ɔwo de yeye Istighfar so pii: ‘Mesre bonfakye fir Allah nkyen, m’Ewuradze efir mebon nyinara ho na medan moho ko ne nkyen.

Mber kakra bi a etwa mu no Huzoor sii do dua de yembo dem mpaabo yi se yeso daa a: ‘O Ewuradze adze biara ye ahobrase dze ma Wo. O Ewuradze, bo henho ban, boa hen na fa W’ehumbobor gu hen do.’ Mpaabo a okaa no Fida a etwa mu no so ɔwo de yedze ka hen daadaa mpaabo ho: ‘O hen Ewuradze fa hen bon na hen ndzeyee a abordo no kye hen, na tsintsim hen anamontu wo Wokwan do na boa hen wo nyimpa atiafo no hon do.’ (3:148)

Anohoba Mesia (ANN) kaa de: Na merebo mpaaba ama mekuw mu ban a Kadian na yikyere baa modo: ‘Wotwe honho efir wiadze afefedze ho’ na ‘Afei nyam hon nyam a owie peye. Anohoba Mesia (ANN) kaa de: na oye me wananwa de wodze nyam (grinding) abodzin ama no. Ekyir no mehwee mpaabo a wokyerew no wo ban a wokyerew mpaabo wodo a na okenkan de: ‘Ewuradze, tsie me mpaabo na see Wotamfo na m’atamfo na hye Wo bohye no ma na boa Wo nkoa na kyere hen Wo nda na ma Wo sekan n’ano nye nam ma hen na mma obiara a oye tuotsewnyi mmfa noho ndzi.’ (Tadhkirah p. 664, 2009 edition)

Dza odzi ho no Huzoor kaa de obeka dofo, nokwarfo, nyia a noho wo mfaso na ɔwo abodzin pii bi a woetwamu ko n’abakosem. Ono nye Dr. Mehdi Ali Qamar, Chaudhry Farzand Ali Sahib ne ba. Oye Nyame dze wo Rabwa, Esusuow Akatseaba ne da a ɔto do eduono esia wo dem afe yi mu. Na onye ne yer, ne ba na busuanyi kor rekosra Bahishti esieyi wo ahamakye nonum na nyimpa ebien bi a wonnyim hon na wotse dadze ponko do tow no tu. Na Dr. Mehdi Ali ye datser a ohwe akoma ho nsem do a ofir USA na onye ne yer na ne mba ebien rebesra Rabwah na woaye edwuma kakra akye wo Tahir akoma yarsabea. Na otse ayarsabea ho na da kor oye n’adwen de oboko akosra esieyi wo ber a woaye Fajr asor ewie. Mber a oben esieyi n’abow no na mbanyin ebien a wotse dadze ponko do yi hon enyi na wotow no wo kwan no do na woguanee. Wotow Dr. Mehdi mpen dubiako na oye Nyame dze amon mu ho ara. Inna lillaahi wa inna ilaihi raaji’oon.

Dr. Saheed n’ebusuafo fir Faisalabad mantem. Ne papa Chaudhry Farzand Ali Sahib yee Bai’at wo Hazrat Khalifatul Masih II (NN) ne nsa mu wo ber a na oye babun. Ono ekyir no ne nua panyin so yee Bai’at na ebusua no nyinara tuu kotsenaa Rabwa. Dr. Shaheed ne nana Master Zia ud Din Sahib Shaheed na oye nyimpa a odzi kan a wokum no Rabwah wo afe 1974 mu wo ber a na woretow tu wo Sargodha gyinabew.

Woo Dr. Mehdi Ali wo Mumu bosom ne da otsi eduonu ebiasa wo afe 1963, da a Mirza Bashir Ahmad Sahib, a wofre no ‘Qamarul Anbiya’ (Akomyefo hon bosom) wui. Onam dem ntsi ne papa dze Qamar ka Dr. Mehdi ne dzin ho na ne nana so dze Hazrat Musleh Maud (NN) ne dzin so kaa ho. Na ne dzin nyinara ye Mehdi Ali Bashir ud Din Qamar. Ohyee n’adzesua ase wo Rabwah, na waben yie. Mber a okodom datser suapon wo Faisalabad no ohyia nschwe pii ntsi na ɔwo de ofir ho, naaso osan koree kowie n’adzesua. Oye edwuma wo Fazl e Umer hospital wo Rabwa wo afe 1989 kosi afe 1991.

Onye ne mame tuu kotsina Canada na ho so otwa ne nschwe na ohye edwuma ase. Okor Brooklyn suapon a ɔwo New York ko ben neho wo akoma mu nsem ho na ohye ase yee edwuma wo Columbus, Ohio na otsena ho. Mber a Huzoor dze too gua de adatserfo nkosom Tahir akoma yarsabea no na Dr. Mehdi ka adatserfo no a wotuu honho ma dem yarsabea yi. Na dem nsrahwe yi ye dza ɔtoto ebiasa na osom Jama’at yi wo gyinabew ahorow pii mu.

Na oye ahobrase yie, nyimpa a ɔwo ɔdo na onnye obiara nnya akasakasa. Ne yer se na oye ahobrase yie na ɔwo ɔdo ma no na obu n’enyiwa gu mfum do na ohwe n’ebusua so yie. Na ɔwo ɔdo kese ma ne mba, na oma hon adzesua na hon ntsetsee so mber na ɔwo ntsease. Ne yer se se ne bufuw a oka kyere no de mma nobu mfuw. Na oye ahobrase yie. Na oye ayemyie ma ne nsewnom. Ne yer ne nya baa se de onye hon tsena mfe enum mber bi na woanntse de wama ne ndze do da na onye no tsenaa de ne na. Na ohwe n’ahohosem do yie, na ahoho taa betsena ne fie wo ber a Jama’at reye nhyiamu bi na okofa ahoho fir wimhyen gyinabea na oboa mboborfo so pii.

Dr. Mehdi so na oye odwimfo na oye awensem kyerefo so. Okyerewee nwoma a ɔtoo no dzin “Barg e Khayal” a ogudu retsintsim. Na ɔwo ɔdo kese ma Khilafat nhyehyee no na ber biara a obetse

afotu bi de woreye dwumapa bi no odze ntoboa beboa bi, ottaa ma ntoboa akeseakese dze boa Jama'at dwumadzi na omaa ntoboa kese dze boa Kolombus asordan no. dem ara so na odze ntoboa kese boa asordan a owo bea ne nananom tsenae wo Rabwah kurow mu. Tahir Akoma yarsabea no na odzi mu akotsen wo ntoboa mu papaapa na ottaa ka Nyamesem to nsa fre nkorofu ba Nyame nkyen na oye nyimdzifo kese wo Nyamesom ho nyimdzii mu.

Dr. Mehdi gyaa ekyir ne yer Onuabaa Wajeeha Mehdi Sahiba na mbofra ebiasa, Abdullah Ali a woedzi mfe duenum, Hashim Ali a woedzi mfe esuon na Asher Ali a woedzi mfe ebiasa a na onye no namwo ber a woboo no tu kum no no.

Huzoor kenkann Dr. Mehdi n'awensem a okyerewee no Ebow bosom ne da otsia eduonu enum wo afe yi mu no mu bi;

Yenye owu bedzi mpu na mpu, nye nsem a oma nkwa

Yazid biara nnkotum apepa osiande Batoool ne nsem ye nokwar

Biribiara botwamu ako na obeka Nyankopon na Ne Nkomhyenyi nsem

Wo ne awensem a woakyerew no dada no, okyerewee de:

Iyi nkotsee nye m'apedze O Allah wo Wo kwan mu

Kansa me bogya botum aye mfaso a

Osan so kyerewee de:

Nokwar adom ama me daa nkwa

Ono nye de odze me nkwa abata Khilafat ho

Wo ber a ewia na bosom enyiwa agye Istikhlaf ne kann ho

Sum ato bonsam (Iblis) n'ekyirdzifo hon do.

Owura Hali Ali a oye hen sofo na otsena ha (UK) mber tsentsen ye Dr. Mehdi Ali Shaheed ne nua panyin. Ose na Dr. Mehdi Ali enyi gye nkyerewee ho de onoara. Woakyerew de hen nua no ye nyimpa soronko, owo mu de hen ebusua no ahwer adze kese naaso yeye ahobrase ma Nyankopon Ne pe na yenya ho abotar. Dr. Mehdi na ne nsaano ahyensew wo Arabic kasa mu a okyerew de ka nsempa kyere nyimpa.

Ne nuabaa kyerew de Dr. Mehdi fitsi ne mbofra ber nyinara mu no na oye nyansafo ohobrasefo a ommpem nsem hun dzi koraa. Na oye asor mapa wo mbofra ber mu nyinara na odzi mbabun kuw no mu akotsen na oka mbofra a wonyan nkorofu ma woko asor ahamakye noho wo Rabwah kurow no mu wo ber worekenkan dede mu. Na oye nyimdzifo kese wo Nyamesom nwoma mu na ottaa nye Rabwa asor mpanyimfo nantsew, na owo odo kese ma Rabwah kurow no na odze ne nkwa too ho so wo Rabwa asaase do. Odzii n'awofu hon pe do beyee datser a odzi mu yie. Onyaa abodzin nkrataa ahorow pii wo n'edwuma mu, na onnsee mber koraa na oper nyimdzii ber nyinara. N'edwuma mu ahokyer ekyir nyinara na onya ber nye ne yer na ne mba dzi nkitaho na okyerew ne mba Kor'an akenkan. Na owo bon fakye sunsum na odze noho boko ahokyer mu sen de obema obi noho akyer no.

Ne nyenko suanyi a onye no kor adze sua Dr. Mahmood akyerew de Dr. Mehdi na oye n'asor wo mber do mber do mber nyinara fitsi ber a na oko nsodo skuul no na oye akomkyen so kaho. Na oye panyin kakra sen Dr. Mahmood ntsi ber nyinara na ottaa ma no kwankyerew wo n'adzesua mu. Na oka adatserfo a wodzikan buee Rabwa ayarsabea no mbogya korabea no ho na ne mbodzen bo kor enyim wo mbogya korabea no ne nsii mu.

Dr. Nasim Rehmatullah Sahib so akyerew de Dr. Mehdi ye obi a owo ahobrase mapa a ber biara na n'enyim tsew yie.

Huzoor kaa de ohyiaa Dr. Mehdi Shaheed nkyeree koraa na otse ne kum ho asem no Huzoor se ohu n'enyim serew no wo n'enyido, na owo enyim a oye asomdwee. Nkorofu a woehun ne mfonyin no akyerew de wohun Dr. Mehdi tse de obi a wada na mbogya wo ne koko do.

Sadr a owo Kolombus Jama'at no, Onua Abdul Salam akyerew de Dr. Mehdi Ali Shaheed baa Colombus mansin no mu mfe du a abesen kor nye yi. Na oye obia obo hyew wo asor no mu yie na oye sotsie yie ma asor no papaapa na ohyia obiara a odze enyim tsew hyia no. Womampow edwuma biara a wodze ahye ne nsa na owo odo kese ma Khilafat nhyehyee no.

Huzoor kaa de ber a okor nsrahwe wo afe 2012 mu wo Colombusman mu no ohun de Dr. Mehdi nye Hadi Ali Sahib reye nsiesie na akyerew wo asordan no mu anadwefa nyinara na adze kyee no okor edwuma. Ndzemba a odze siesie asordan no mu nyinara onoara na obo ho kaw, se oreye edwuma wo asordan noho a obiara nnkodwen de oye datser panyin mpo osiande oye edwuma no wo ahodwee mu.

Ne nyenko datsernyi kor so akyerew de onyaa kwan nye no yee edwuma na mpen pii no adatserfo enye ber n'edwuma mu nkunyimdzi a onya na iyi dze no kor ahokyer mu. Mbre otse biara, mber nyinara odze enyitsew hyiaa dem gynabew no na woannkyere ebufuw ara da na ber nyinara na odwe na n'enyim so tsew. Na otaa ka de eben adze ntsi na owo de yeko ohaw mu wo ber a Khalifa ne mpaabo taa hen ekyir.

Dr. Mubashikr Sahib ka de Dr. Mahdi Ali ye obi a ye wo tsema yie ma ehiafo na mboborfo na da odzi ewie a odze kor Rabwa ho obuee sika korabea fotoo bi a odze boboa ehiafo, dabi ofree kaa de asor yi mu edwumayefo no mu kor hia mboa de odze risi ne fie ntsi obisaa a de obenya pepe 10,000.00 efir ne foto no mu aboa no na osan kaa de bio de obotum aboa ehiafo skuul kaw na woahwe ayarfo so bo a pon muudzen. Dr. Mahdi n'ayonko Hafiz Abdul Qudoos Ka de bera na oye edwuma wo Fazl-e Umar Ayarsabea no dakor obekaa kyere no de ohianyi bi a oye yarfo hia mbogya na okaa de onoara ama no mbogya tinpan kor na ope de ne nyenko bi so ma mbogya tinpan kor.

Na Dr. Mahdi na otaa dze ndzemba piikoma Tahir Akoma yarbea ayarsabea na otaa ka de oye no ahohoahoa de otum bo afor koma Tahir Akoma ayarsabea no, na ope de osi fie wo Rabwa a onnkoye adzesoa ana Jama'at no na owo abodwee wo kwan a ofa do tsetse n'mbofra wo USA man mu, osiande na owo adagyer wo n'mbofra no ho, na onya ber so ma hon n'nyonko kor so kade na onye no ntamu wo odo kese, ose ber obaa Rabwa no na oye memenda ne ofree no de ombra ne nkyen na oye anafua 10pm na okaa kyere no de adzeasa ntsi ongye n'ahom na adze na ohyee no de ombra na ber a obae no odze efir a wodze hwe mbogya ne gynabew naa no na obisaa no beebi a odze n'enyim bohwe aye asor ose onye no kasaa kodur anafa 11pm na adze kyee no okor Bahishti Maqbara esie na ho na wokuu no.

Dawurbo krataa Dawn kaa no asem de Dr. Mahdi nnye datsernyi bi keke, Onyae abodzin fir America.

Dawurbo krataa pii a wowo USA, Canada, UK na wiadze yi mu mbea pii akasa atsia Dr. Mehdi Ali ne kum no ho. Dawurbo krataa beyee eduasa na ne mboree na wodze dawur no apetse, hon mu bi nye, National Post Canada, The Star Canada, CBC News Canada, Global News, CNN, USA Today, New York Times, Washington Post, Columbus Despatch, Wall Street Journal, The Express Tribune, Washington Times, The Strategic Intelligence, Daily Mail, BBC Urdu, Al Jezeera, Down na dza okoka ho. Mber a dem nkrataa yi rekasa tsia Dr Mehdi Ali ne kum no ho no, wasanso dze Jama'at yi akyerere na wama nkyerokyere mu ofa no haw na atsetsee a yeafa mu mfe a abasen kor no. De wodze reda Jama'at yi adi no wooka Anohoba Mesia (ANN) ne nsem a oka de ono nye Mesia no na wodze ne dzin ato gua, wasan so aka de Ahmadiyya Jama'at yi ye asomdwee kuw a wokasa tsia nyimpa ekumkum a woye no Jihad ne dzin mu no. Nkrataa bi so eyi Jama'at yi ayew wo ndwumapa Jama'at yi reye. Dr. Mehdi Ali dze ne nkwa ato ho ama akwan afofor ebue ama Nyamesemka na wada Jama'at yi so edzi.

Wall Street dawurbo krataa a oye krataa a wogye dzin a wotsintsim no wo USA no so dze wu no ho nkaabo no ato gua na odze akyerere Jama'at yin a wokyere atsetsee a Ahmadiyyafo roko mu na woetsintsim dwumakow a wohwe nyimpa ne faahodzido a owo Pakistan hon guamtsenanyi n'asem de: 'Nyamesom kuw a wosoar wo Pakistan biara no wotsetsee hon, naaso Ahmadiyya kuw no na wohyia dza omo paa. Pakistan dawurbo nkrataa tsintsim nkorofa a wotsia Ahmadiyyafo hon ho nsem naaso wonnye biribiara ntsia hon. Se wotu hye Ekristofo kuw bi do a, ibohu manpanyin no de odze nsem a otsia dem ndzeyee no reba aboano, na ne mpanyimfo resra nkorofa a asem ato hon no, naaso iyi nntse dem wo Ahmadiyyafo hon afa, obiara nngyina hon afa.' Huzoor kaa de Nyankopon gyina Ahmadiyyafo hen afa na oboko do egyina hen afa.

Dem dawurbɔ krataa yi kaa Shantani Sinha a ɔye Dr. Mehdi Ali ne nyenko n'anum asem de: 'Nna ɔye obi a odzi perper, ɔwɔ enyidzi na ɔye nyimpa a onnyi nsunsuii bɔn biara'. Ɔkaa bio de Dr. Qamar kɔɔr Pakistan de nkye ɔrokema akoma yarba ho ayarsa a ɔnngye obiara sika. Nna ɔye obi a ɔtaa kye adze. Dr. Sinha kaa bio de: nna yenyim de iyi botum esi na nna ɔnoara so nyim. Me wɔ enyisom de iyi beboa ma ekumekum basabasa a mfaso biara nnyi ho ma dem ntsi woeku nyimpa papa a ɔkɔr de ɔrokema mboa yi ada edzi.

Dawurbɔ krataa bi so kaa nsem bi a polisinyi bi so kaa de: yetaa hu mbuukuu na afemfamee a ɔkyere de otsia Islam de begye ayarsa wɔ dem asopitsi yi mu osiande ɔye Ahmadiyyafo hɔn dze.

Al Jazeera kasafir no so kaa nsem bi a nyimpa bi a ɔye nhwehwemu kaa de hen nsa taa ka nsem a ɔfa atsetsee nye basabasaye a wɔye tsia Ahmadiyya Kuw wɔ aban no nyimdzii mu de ɔman no nkotu ho anamɔn biara ɔdze nyimpa a wodzi dem akakabennsem yi befa mbra kwan do.

Washington Post dawurbɔ krataa no so kaa de dem ayekayekadze nye ewudzi yi nyinara roko do osiande obiara nyim wɔye mpo a wɔnnkotu anamɔn biara etsia hɔn.

Lancerter Gazette, a ɔye mpatamu dawurbɔ krataa wɔ bea a nna Dr. Mehdi tse no etwa n'emimdzi no ho mfonyin yie na wɔdze nsem bi a ne nyenko bi so kaa aka ho de 'ɔye awerehow', iyi nye dza cardiovascular business development hɔn panyin no kae. Yerekyi nyisuwa bebiree na yeahwer Dr. Qamar wɔ yaw mu'. Nna Qamar Kuwba wɔ asoee a wɔhwe nyimpa apɔwmudzen nsem do wɔ Gordon B. Snider Cardiovascular Institute wɔ afe 2011 mu na wɔbɔɔ n'abaw do de okunyin kese wɔ nyimpasom mu. Dawurbɔ krataa kaa bio de Dr. Mehdi no wu no, nnye Ahmadiyya Kuw no nkotsee na aka hɔn mbom amansan nyinara.

Columbus Dispatch retwa asem yi ho mfonyin no, wobisabisa Dr. Mehdi ne ba banyan nsem na ɔkaa de: Atsenka ben na ɔba benya wɔ ber woedzi n'egya ewu ɔnam de ne bɔn ara nye de rema ehiafo ayarsa kwa a ɔnngye sempoa mpo wɔ ɔnoara ne man mu? Abdullah Ali dween asem bisa nye ho na obuaa de 'ɔye me awerehow na ɔhye ma abagura', mfe duesia ba yi ne nyiano nye yi na ɔannkyere ebufuw anaa bɔn akɔtua biara.

Fox 28 Columbus dawurbɔ krataa no so nye Dr. Mehdi ne ba banyan Abdullah Ali dzii mbisesi ma ɔkaa de nna n'egya ye okunyin na nna ɔwɔ awerehyemu de se dem etuatsewfo yi nyaa abotar nye no kasa sima kor mpo a, nkye ɔdze nsesapa bi beba hɔn abraɔ mu. Ɔkaa de dem ewudzifo yi yee dem de wɔdze rehaw Kuw bi a wonyim ho hwee.

Huzoor kaa de iyi nye nokwar no. maulawifo no aseɛ dɔm dodowara hɔn adwen afa hen ho. Ɔnam dem ntsi wɔye ɔayetrado.

BBC Urdu kasafir no so etwa ewudzi yi ho mfonyin na wɔaka amenhye a wɔdze hye Ahmadiyyafo na ɔsaneɛ bɔɔ nwoma bi a woetsintsim a ɔkyere de ɔye ekyiwadze de obi begye ayarsa Tahir Akoma Ayarsabea (Tahir Heart Institute) na ɔye bɔn kese nso. Ɔsan ka de obiara a ɔnye Ahmadiyyafo wɔ nkitahodzi no nnye gyedzinyi. Yeye Nyankopɔn dze! (Inna lillah)

Dem nyimpa yi a woedzi no emim nyaa nkunyimdzi wɔ abraɔ mu na ɔsee ne mber soom nyimpa na ohyiaa owu ama no nkwa a onnyi ewiei wɔ Nyankopɔn nkyen. Ketseankye Nyankopɔn ama hen nua banyan yi gyinabew a ɔkrɔn yie wɔ Sor Ahenman mu na ne gyinabew nkɔdo ara nkrɔn ber to ber nyinara na Ɔmma no bea bi wɔ Nyankopɔn No dɔfo no ne nan ase. Ketseankye Nyankopɔn dze ne yer na ne mba ahye Ne bambɔ n'ase. Yesere de mpaabɔ biara a onua Dr. Mehdi Ali bɔee maa ne mba no Nyankopɔn nhye no ma daa. Huzoor de, de mbre m'edzi kan aka no, akodze kese a yebefa do enya mpontu na yeetu atamfo no ase ara nye mpaabɔ. Mbom, Nyankopɔn twe hen adwen gyina ndzɛmba nye akwn bi a ɔdze edzi yie a yebotum afa do abɔ iynom ho ban de mbre ɔse na ɔfata. Dem ntsi, ɔnam dza esi yi ntsi, Rabwah mpanyimfo no wɔ de wɔdze hɔn enyi to famu yie nkyen nkan no mpo. Dze biara a hom wɔ no, hom mfa nye edwuma na hom nye hom nhyehyee yie na dza aka ekyir biara hom mfa nhye Nyankopɔn Ne nsa. Amamba biara a ɔwɔ Rabwah no wɔ de ɔye ahweyie a ɔkɔ nkan.

Hen dɔfo yi ehwieii ne bogyae egu Rabwah asaase do na iyi atwe hen adwen egyina mpaabɔ na anamɔntu do. Dem ntsi, ohia ara yie de yeye ahweyie. Ahmadiyyafo a wɔwɔ wiadze n'afenandze nyinara mbɔ mpaa mma Ahmadiyyafo a wɔwɔ Pakistan osiande siesie yi dze wɔwɔ gyinabew a

ɔnnye ahomka mu koraa na ber to ber nyinara no mu kɔ doara ye dzen. Ketseankye Nyankopɔn adom hen ma yeetum aye iyi! Oman mu no nyinara adan etuatsewfo nye etsiafo. Onkyeree biara na wosiiw ɔbaa bi abo kumm no wɔ Asendziibea kese n'enyim. Mber a dem nyimpa kum, dem nhyedo yi sii no, na ɔye adze a polisifo wɔhɔ na osii wɔ hɔn enyim.

Dem nhyedo a ɔreko do wɔ Pakistan no, wɔreye no Nyankopɔn na Ne Nkɔmhyenyi hɔn dzin mu, wɔ dem Nkɔmhyenyi a ɔboa nyimpa na ɔye ehumbɔbɔr ma adasamba nyinara ne dzin mu. Hen akoma kyin mogya ɔnam iyi ntsi. Se kansa wɔbeyɛ basabasa mpo a onyi de wɔye no wɔ Nyankopɔn na Ne Nkɔmhyenyi hɔn dzin mu. Onnyi de wɔye basabasa wɔ nyimpa a ɔye nyimpa boafɔ na ɔye ehumbɔbɔr ma adasamba ne dzin mu na wɔdze enyimtsia bre Islam! Se Nyankopɔn Ne nhyehyee ba a na ɔye Nyankopɔn Ne pe a ɔbeba mu, dem nkorɔfo yi nyinara wobotu hɔn ase. Nnye adze a etuatsewfo yi anaa hɔn a wɔboa hɔn no betsen nkwɔ mu. Ne dem ntsi, ɔwɔ de yebo mpaa na yebo mpaa pii. Yesre Nyankopɔn de onyi nyimpa dem no mfi som mu enyimdziifo no hɔn efi mu na wɔntse nokwar no ase na wɔngye dem mber yi do kandzinyi no ntomu.

Huzoor kaa de ɔbeyɛ funsie sɔr ama nyimpa a wokum no no wɔ Fida asɔr no ekyir.

Translated by: 1. Mr. Alhassan Kobina Atta-Wenchie  
(Tutor in English Language, Jamiatul Mubashireen, Ghana)  
2. Maulvi Alhassan Bashir Annan Sahib  
(Tutor, Jamiatul Mubashireen, Ghana)  
3. Rasheed Possible Essuman Sahib  
(Second Year Student, Jamiatul Mubashireen, Ghana)  
4. Hafiz Naseem Ahmad Nyame Sahib  
(Composer, First Year Student, Jamiatul Mubashireen, Ghana)

Downloaded from: [www.jamiatulmubashireen.org](http://www.jamiatulmubashireen.org)

Contact: [www.jamiatulmubashireen.org/contact-us](http://www.jamiatulmubashireen.org/contact-us)